

Na 1984 a agrega articulo na ley di Bandera

ORANJESTAD- Tabata na 1976 cu a aproba e diseño di nos bandera, cual a keda fiha den e Vlagverordening Aruba (Ab 1977 no. 7). Ocho aña despues, a agrega un articulo nobo na e verordening, cu e siguiente puntonan:

1. E persona cu abiertamente ta pinta, menosprecia, destrui, kima of no ta mostra e propio respet pa e bandera ta wordo castiga cu maximalmente 2 luna di prison of un boet monetario di maximalmente tres mil florin
2. Ora cu un violacion wordo cometi, manera describi den e prome parti di e articulo, denter di menos cu un aña despues di a comete un violacion igual, of a cumpli boluntariamente na e condicion, dor di e empleado publico competente di e ministerio publico pa virtud di articulo 76 fiha den e Wetboek van Strafrecht di Antiyas Hulandes, e persona ta wordo castiga cu maximalmente 4 luna di prison of un boet monetario di maximalmente seis mil florin.
3. E hechonan, fiha como castigabel den e prome parti di e articulo, ta wordo considera como violacionnan di ley.